

# NDIS Navigators – nulepate leh a kem a donte ngaihsutpiakna

## NDIS Navigators – nulepate leh a kem a donte ngaihsutpiakna

Zomi | Zolai

**Pilsinnalam Zum (Department of Education) in pumpi zawngkhal naupangte leh a innkuanpihte panpih ding kamciam pia uh hi. Tua hangin a tuamdang deuh kumpi sang (Victorian government specialist school) khempeuh ah National Disability Insurance Scheme (NDIS) Navigators kici gambup pumpi zawngkhal aamahkhan vaihawmna a kipan ka hi uh hi.**

NDIS Navigators kici lamlakte in hong huh theih ding uh ahih leh:

- NDIS nasepzia hong lamlakin hong theitelsak ding
- NDIS pan a kipia panpihnate hong siauhsakin hong ngahsak ding
- vaihawmnate sittelkikna cih bang nasepnate hong telsak ding
- na naupang ii gelna ngaihsutna tawh kisai haksatnate lahkhiat zia ding hong theisak ding

NDIS Navigators te in a seploh dinguh ahih leh:

- NDIS ahikkeileh NDIS in a panpih cina damsak siamte sam lo ding, ahikkeileh nang tangin siauhnate leh laite hong bawlsak lo ding a, ahi zongin tuate nang-le-nangin na hih theih nangin hong panpih thei ding uh hi
- sangnaupang mimal khatciat ii vaite gelpih ahikkeileh haksatnate buaipih lo ding uh hi
- NDIS service provider-te phat (recommend) pia ahikkeileh amau kiang puaksawn lo ding uh hi.

## **Ka sanginn ah NDIS Navigators te bang hun ciang om ding hiam?**

NDIS Navigators te in 2023 kum sungah a tuamdang deuh kumpi sang (Victorian government specialist school) pawlkhat ah nasep kipan ding uh a, 2024 kum ah NDIS Navigator a nei sanginn kibehlap semsem ding hi.

2025 kum ciangin a tuamdang deuh kumpi sang (Victorian government specialist school) khempeuh in NDIS Navigator nei ding uh hi.

NDIS Navigator a kingah ciangin sanginn pan hong theisak ding hi.

## **NDIS Navigator in kua adingin nasem hiam?**

NDIS Navigator te pen sanginn pan a kicial ahi uh a, sanginn ah nasem uh hi.

Amaute in National Disability Insurance Agency ahikkeileh NDIS in a panpih agency khatpeuh adingin nasem hilo uh hi.

## **NDIS Navigator te tawh koici bangin kiho thei ding?**

Na sang in NDIS Navigator a ngah phetin, kizop dan, kithuzak dan ding hong theisak pah ding uh hi.

NDIS Navigator te pen sang hon hunsung bekah om ding uh hi. A mi ngiatin ahi a, online pan ahi zongin hong kimuhpih thei ding uh hi, ahihkeileh phone pan hong hopih thei ding uh hi.

### **NDIS Navigator te tawh kiho lehang sum a bei diam?**

Bei lo hi. NDIS Navigator's services man pen sum kila lo hi.

### **NDIS Navigator te kiangah thu dot a kul hiam?**

NDIS Navigator ii panpihnate pen ut leh lak theih, ut keileh lakloh theih (optional) ahi hi.

Na naupang in NDIS pan ahihkeileh sanginn pan huhna a na ngah theih nangin NDIS Navigator te tawh kiho ding kisam lo hi.

### **Thulela bucing bangci kan ding?**

NDIS Navigator tawh kisai thulela bucing theih nangin, na sanginn hopih in.